

# Imaani avatangiisit illersorneqarnissaat pillugu Inatsisartut peqqussutaata allanngortinneqarneranik Inatsisartut peqqussutaat

## § 1.

Imaani avatangiisit illersorneqarnissaat pillugu Inatsisartut peqqussutaanni nr. 4-mi 3. november 1994-imeersumi makku allannguutigittinneqassapput:

1. § 19 ima oqaasertalerneqassaaq:

"§ 19. Imartani Kalaallit Nunaata oqartussaaffigisaani stoffinik atortussanillu eqqaasoqassanngilaq. Taamaattorli aalisakkanik aalisakkallu perluuinik, perlukunik pinngortitami uumassusi-linnit pisunik immallu naqqaneersunik qaqitanik eqqaaneq, kiisalu nakkutigineqartumik angal-latinik kiversaaneq Naalakkersuisut akuersissutigisinnaavaat."

2. § 20 ima oqaasertalerneqassaaq:

"§ 20. Aalisakkanik aalisakkallu perluuinik aammalu perlukunik pinngortitami uumassusilinnit pisunik eqqaanissamut akuersissuteqartoqartassaaq eqqaavíqineqartussami pissutsit erseqqissumik naliliivigineqareernerisigut.

*Imm. 2.* Angallatit imaanut kiversarneqarnissaannik taamaallaat akuersissuteqartoqarsinnaavoq pissutsit immikkut ittut atuutsillugit, pisuni erseqqissuni ataasiakkaani, angallatillu kiver-sarneqartussat stoffinik avatangiisinut ulorianarsinnaasunik tamanik imaarneqareersimappata.

*Imm. 3.* Immap naqqanit qaqitanik eqqaanissamut akuersissuteqartoqartassaaq qinnuteqaatip naliliiffigineqareerneratigut, qinnuteqaatillu ataasiakkaat tamarmik immikkut erseqqissumik naliliiffigineqareernerisigut."

## § 2.

Inatsisartut peqqussutaat 1. juli 1997-imi atortuulersinneqarpoq.

*Namminersornerullutik Oqartussat, ulloq 6. juni 1997.*

Marianne Jensen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut